



REPUBLIKA E KOSOVËS  
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE  
NEZAVISNA KOMISIJA ZA MEDIJE  
INDEPENDENT MEDIA COMMISSION



**Emri i biznesit:** "Radio Kiss Kiss" SH.P.K.

**Numri Unik Identifikues:** 810862327

**Drejtor:** Gent Efendia

**OSHMA:** Glam Radio

**Adresa:** Arbëria 55-1 Prishtinë



### VENDIM

për ripërtëritjen e licencës si dhe ndryshim të licencës sipas emrit të ndryshuar të biznesit të Ofruesit të Shërbimeve Mediale Audio – Glam Radio, me seli në Prishtinë

### Fakte

1. Komisioni i Pavarur për Media (KPM), është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit. KPM-ja rregullon të drejtat, detyrimet si dhe përgjegjësitë e personave fizik dhe juridik të cilët ofrojnë shërbimet mediale audio dhe audiovizuale.
2. Glam Radio është Ofrues i Shërbimeve Mediale Audio me mbulim regjional, i cili është licencuar nga Komisioni i Pavarur për Media (KPM), për transmetim tokësor analog të programeve të radios, me seli në Prishtinë. KPM, me vendimin e datës 06 korrik 2016, lëshimin e licencës së Glam Radio për një afat prej shtatë (7) vitesh, ndërsa më datën 06 korrik 2023, ka skaduar afati i licencës së Glam Radio .
3. Me datën 18 prill 2023, KPM përmes e-mailit, ju ka dërguar shkresë të gjitha radiove të cilave afati i licencës ju skadon në vitin 2023, në mesin e tyre edhe Glam Radio , përmes së cilës shkresë i ka njoftuar lidhur me skadimin e afatit të licencës dhe mundësin e ripërtëritjes së saj, në pajtim me Nenin 25 të Ligji Nr. 04/L-44 për Komision i Pavarur të Mediave.
4. Më datën 03 maj 2023, Glam Radio ka dorëzuar kërkesë me shkrim në Zyrën Ekzekutive të KPM-së, përmes së cilës ka kërkuar ripërtëritjen e licencës.
5. Komisioni gjatë vlerësimit të kërkesës së Glam Radio për ripërtëritje të licencës ka vërejtur se në certifikatën e biznesit të kësaj radioje ka ndryshime në emrin e biznesit, dhe për këtë ka realizuar një takim ku ka udhëzuar Glam Radion të parashtrij kërkesë edhe për ndryshimin e licencës sipas ndryshimeve në emrin e biznesit.

6. Me datë 12 korrik 2023, Glam Radio ka dorëzuar kërkesën me dokumentacionin e nevojshëm për ndryshim e licencës sipas ndryshimeve në emrin e biznesit nga Radio Kiss Kiss” SH.P.K. me numër të biznesit 71278220, në “Glam Radio” SH.P.K me numër unik identifikues 810862327, dhe me pronarët e njëjtë z. Ardian Hoxha, z. Arsim Limani, z. Fisnik Deçani dhe z. Gent Efendia.

### Arsyetim

7. Ligji Nr. 04/L-44 për Komision i Pavarur të Mediave, përcakton se KPM është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit si dhe rregullon të drejtat, detyrimet dhe përgjegjësit e personave fizik dhe juridik të cilët ofrojnë shërbime mediale audio-vizuale.
8. Neni 25 i Ligjit të KPM-së përcakton: *Përveç rasteve kur KPM-ja konsideron se licenca nuk duhet të ripërtëritjet për shkak të shkeljes së dispozitave materiale nga ana e ofruesit të shërbimit medial audio vizuel privat për sa u përket kushteve dhe kriterëve të licencimit, kandidati ka të drejtë të kërkojë përtëritjen e licencës nga Komisioni brenda gjashtë (6) muajve para skadimit të datës së licencës ekzistuese dhe minimum gjashtëdhjetë (60) ditë para skadimit të licencës.*
9. Me anë të shkresës së datës 18 prill 2023, lidhur me njoftimin për skadimin e afatit të licencës, KPM gjithashtu, ka njoftuar Glam Radion lidhur me dokumentacionin e nevojshëm për ripërtëritjen e licencës.
10. Komisioni konstaton se, Glam Radio përmes kërkesës me shkrim ka shprehur interesim për vazhdimin e veprimtarisë së ofrimit të shërbimeve mediale audio (radio) në lokacionin për të cilin është licencuar.
11. Komisioni e KPM-së konsideron se nuk janë evidentuar shkelja të tilla të dispozitave materiale të Ligjit dhe akteve nënligjore të KPM-së, nga ana e ofruesit të shërbimit medial, të Glam Radio të cilat shkelje do të pamundësonin ripërtëritje e licencës.
12. Komisioni konstaton se Glam Radio ka shlyer të gjitha obligimet financiare ndaj KPM - së, përfshirë këtu edhe pagesën e tarifës administrative për ripërtëritje të licencës, e paraparë me Rregulloren KPM-2017/06.
13. Glam Radio ka deklaruar se ndryshimi i emrit të biznesit nga Radio Kiss Kiss” SH.P.K. në “Glam Radio” SH.P.K është bërë për arsye se ka pasur një biznes në radhët e komuniteteve të regjistruar me emër të përafërt në Republikën e Kosovë. Komisioni konstaton se ka një të licencuar në KPM që ka emrin e biznesit të përafërt me biznesin Radio Kiss Kiss” SH.P.K.
14. Komisioni konstaton se përveç ndryshimit të emrit të biznesit nga Radio Kiss Kiss” SH.P.K. me numër të biznesit 71278220 në “Glam Radio” SH.P.K me numër unik identifikues 810862327 nuk ka ndryshime në pronësinë e Glam Radio, dhe se arsyeja për këtë ndryshim është e qëndrueshme dhe si e tillë, kërkesa i plotëson kriteret për ndryshim.



15. Komisioni vlerëson se kërkesa për ripërtëritjen e licencës së Glam Radio është dorëzuar në pajtim me dispozitat ligjore të parapara me Ligjin dhe aktet nënligjore të KPM-së dhe si e tillë kërkesa për ripërtëritjen e licencës së Glam Radio i plotëson kushtet për miratim dhe se ripërtëritja e licencës është në interesin e publikut në zonën në të cilën operon kjo radio.

### Vendim

16. Komisioni në takimin e datës 1 shtator 2023, merr vendim për miratimin e kërkesës për ripërtëritjen e licencës së Glam Radio për vazhdimin e veprimtarisë të ofrimit të shërbimeve mediale audio, e cila veprimtari është në interes të publikut në lokacionin për të cilin është licencuar dhe në të cilin është duke transmetuar program Glam Radio.

17. Komisioni, gjithashtu merr vendim për miratimin e kërkesës së Glam Radio për ndryshim e licencës sipas ndryshimeve në emrin e biznesit nga Radio Kiss Kiss” SH.P.K. me numër të biznesit 71278220 në “Glam Radio” SH.P.K me numër unik identifikues 810862327 dhe me pronarët e njëjtë z. Ardian Hoxha, z. Arsim Limani, z. Fisnik Deçani dhe z.Gent Efendia.

18. Licenca e Glam Radio do të jetë e vlefshme për një afat prej shtatë (7) vitesh, ashtu siç është përcaktuar me Nenin 21, paragrafin 2, të Ligjit për KPM-në, ndërsa vlefshmëria e afatit të licencës do të llogaritet nga data 28 gusht 2023.

19. Të gjitha parametrat e licencës së Glam Radio, siç janë: kategoria e të licencuarit, skema programore, parametrat teknike dhe harta e zonës së mbulimit do të mbesin të pandryshuar nga licenca paraprake.

20. Këtë vendim e lëshon Komisioni dhe i njëjti hyn në fuqi nga data e nënshkrimit.



Jeton Mehmeti

Kryetar

Komisioni i Pavarur i Mediave



01.09.2023

datë